



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Recedentium à fide Petri & Romanæ Ecclesiæ obedientia. tit. 287

urn:nbn:de:hbz:466:1-29452

de his, quibus dabatur ad manum Eucharistia, vt renunciarent Papæ. Sic hodiè iurant sectarij cùm à Superintendentibus suis ordinantur, se nunquam Papæ obedire velle nec suis decretis.

Tertiò, omnes sectæ violant hunc articulum fidei, Credo vnam Ecclesiam. Si hanc crederent vnitatem Ecclesiæ, non se secarent à capitum obedientia, Papæ & Cæsaris: non se separarent à communione sanctorum, qui omnes vnanimiter crediderunt, & permanserunt in illa vnitatem & obediètia, quam Christus instituit, Matth. 16. Tu es Petrus. At non curant sectæ sanctorum libros, doctrinam, communionem, &cæ. Respondeo, non mirum, quia extra vnitatem corporis mystici sunt, 1. Cor. 12. correpti sunt & admoniti fraternè, vt redeant ad vnitatem Ecclesiæ: sed quoniam nolunt, i deo denūciatum est Ecclesiæ Catholice per totum orbem de eis per Papam & Imperatorem, quæ sunt capita Ecclesiæ ministerialia & à Deo ordinata, & suas bullas emisserunt. Ideò à nobis tanquam ethnici habendi sunt, Mat. 18. Vt igitur non curas ethnici & Iudæi fidem, &cæ. sic nec illorum: ergo persecutionem, quam patimur, id est, propter hanc capitum obedientiam, propter Christi ordinationem patimur Rom. 13. Matth. 16.

RECEDENTIVM A FIDE PETRI & Romana Ecclesia obedientia, dāna.
TITVLVS CCLXXXVII.

PRI Mò, Apostolus Paulus dicit, quòd in nouissimis diebus discedent homines à fide, 1. Timo. 4. scilicet catholica, attendētes spiritibus erroris, id est, audiet spiritus docētes errores, i. eos qui iā olim dānati sunt, renouātes, sicut Taciani heretici prohibentes omninò nubere, quasi matrimonium sit peccatum, & cibos aliquos fugiūt, sicut Iudæi, &c. & Petrus

Petrus 2. Pet. 2. dicit, quòd sectę iterum reuocabunt errores, quos iam vix effugerunt, & 2. Thes. 2. inquit: Primùm veniet discessio, antequã filius perditionis reuelabitur: discessio, id est, defectio à fide Romanę Ecclesię, & obedientia Imperatoris. & sic prædictus est recessus ille & discessio clarè, quòd veniet vel simul vel semel in vniuerso orbe, sicut aliqui arbitrantur, vel particulariter iam in illo regno vel ciuitate, iam in illa, donec totus mundus fuerit rebellis, sicut dicitur Matt. 24. cum prædicatum fuerit Euangeliũ in vniuerso orbe, &c. tunc erit consummatio. Ille igitur recessus sollicitabitur per hæreticos, ne quis obediat & credat cum Rom. Ecclesia & imperio. & hoc vnicum semper elaborarunt magno studio hæretici & illorum adhæsores, &c.

Secundò, quàm grauissimè peccant illi Sathanę venatores & seductores à fide & obedientia Romanę Ecclesię, qui quoti diè catholicos tentant, & laqueos ponunt, sicut seniores nequam Susannę, Daniel. 13. & matrona seu mulier illa AEGYPTIACA, vxor Putipharis, adolescenti probò & pudico Ioseph, Gen. 39. scriptura & SS. patres docent: Christus primò inquit, Matt. 23. VAE vobis Scribę & Pharisei, qui cur sitatis hinc indè per terram, per aquam, vt faciatis vnum profelytum, id est, socium sectę & fidei vestrę. & cum factus fuerit, facitis eũ in duplo filium gehennę, id est, si priùs fuit tamè debilis in fide, iam omninò falsè credit: & si priùs in vita fuit defectuosus, iam vestris malis exemplis eruditus, imò peruersus ac induratus, omninò fit lasciuus. & sic duplo magis fit filius gehennę &c. At qui alium facit filium gehennę, ipse gehennam non euadet, &c. Secundò, hoc peccatum grauius est idololatria, sicut pbat Augu. libr. 1. contra Donatistas cap. 8. ex grauitate pœnę. Nam idololatrę gladio puniuntur, Exod. 32. At Hæretici, Chore, Dathan & Abiron, quia populum sollicitarunt

ab obedientia Moysis, hiatu terræ puniti sunt, Num. 16. Tertiò, hoc peccatum schismatis iterum spoliatur gratijs & donis acceptis in Baptismo, sicuti seruo nequam Mat. 18. contigit, cui redierunt omnia peccata sua & debita iam dimissa. Quartò, priuat regno cœlorum, Gal. 5. Sectę regnum Dei non consequentur. I. dedò dixit Aug. Epist. 165. & si angelus de cœlo veniret & præciperet acceptare partes Donati, anathema esset suscipere &c. Væ igitur illis prædicatoribus & sectarum solicatoribus, qui à fide, vnitare & obedientia Ecclesię seducunt simpliciores & catholicos, vel per conuicia aut blandimenta, aut per aliquam conditionem compaternitatis, matrimonij &c. scilicet, si faciunt in eum finem, vt faciant eos declinare vnitatem Ecclesię. &c. Cypr. lib. 1. Epistolar. Epist. 1. Sic ut lupo circumit ouile, vt ouem de grege rapiat, & accipiter pullum gallinæ sub alis: Sic est studium omnium hæreticorum, rapere & separare homines à catholica vnitare & obedientia Romanę Ecclesię. Christus venit facere vnum ouile, Ioan. 10. At hæretici laborant, vt laceretur ouile, & oues dispergantur, & sic est diabolicum, &c.

*SOLICITANTIVM A FIDE
Romanę Ecclesię, & sollicitantibus obedientium, periculum.*

TITVLVS CCLXXXVIII.

Primò, plerique non putant peccatum, homines ad sectam trahere à fide & vnitare Ecclesię: sed satis ostendunt exempla scripturæ, & pericula, ac punitio ciuitatum & regionum, hoc peccatū esse grauissimum. & primò dicit Deus Deut. 11. Cauete, ne capiatur cor vestrum, vt declinetis à via & fide recta, & seruiatis dijs, & adoretis illos, & iratus claudam cœlum, &c. Ex quo patet, vndè venit fames, caristia, &